


欽定科場條例



		九	漢
一	一	二	書
二	二	三	門
冊	架	函	類

庫文閣內			
二	九	漢	
九	二	書	
函	三	類	
冊	架		

內閣文庫			
番號	漢	9223	
冊數	12 (2)		
函號	296	109	

四之八



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





欽定科場條例卷四

淺草文庫

科舉 四

一八旗貢監生員筆帖式等科舉

一八旗貢監生員筆帖式小京官應順天鄉試

由順天學政及國子監先期行文各旗造具履

歷宮民滿蒙漢軍并包衣字樣詳冊移送該處

錄科後徑送順天府辦理入場

一各省駐防生監應順天鄉試禮部於正月行

文各省駐防將軍副都統防守尉防禦等處於



文到日卽速查明所屬應試貢監生員人數詳細開註滿洲蒙古漢軍等字樣並旗分佐領年貌經書分別官民字號及有無考職之處造具滿漢清冊備文分送在京各該旗核實徑送順天學政及國子監錄科及兵部考試騎射後各轉送順天府辦理入場六小京官
一入旗考試人員詳加分別滿洲漢軍如有漢軍冒入滿洲中式者斥革咨送之該旗官交部議處

一繙譯生員願應文鄉試者該旗自行造冊各送學政錄科

一八旗應順天鄉試生監人員各旗先行咨送兵部考試騎射合式者兵部冊送順天府辦理一各省駐防隨任之生員不能歲考有來京鄉試者卽令補行歲考方准錄送鄉試

例案

順治八年題准滿洲蒙古漢軍生員開科鄉試各衙門無品筆帖式亦同生員應試其滿洲蒙古生員筆帖式同列一榜不論滿洲蒙古取文字優者爲第一名漢軍生員筆帖式漢生員監

生同一榜不論漢軍漢人亦不論生員監生取
文字優者爲第一名其餘名次俱以文字高下
爲前後其進呈試錄兩榜士子及考試等官姓
名一體開列題名錄滿洲蒙古一本漢軍漢生
監一本其會試

殿試俱照此例

順治十四年停止八旗考試八旗會試門統此

康熙二年奉

上諭滿洲蒙古漢軍生員俱准繙試山式者送吏部錄

用不中者革去生員

康熙十五年停止八旗考試八旗會試門統此

康熙二十六年奉

恩詔八旗准同漢人一體考試八旗會試門統此

康熙三十八年覆准滿洲蒙古漢軍應鄉試之

監生生員均由兵部驗射馬步箭能射者准其

移送順天府入場鄉試

康熙二十九年題准奉天府滿洲蒙古漢軍鄉

試之監生生員准奉天將軍副都統等驗射馬

步箭能射者交與該府丞分別考取移送鄉試

康熙三十六年奉

上諭諭宗人府禮部國家樂育人才振興文教將使海

內英雋之士靡不蒸蒸蔚起矧宗室子弟系托天潢

豈無卓越之姿足稱令器允宜甄陶獎掖俾克有成

考諸前史以公族應制舉入仕者代不乏人今屬籍

所載日益繁衍除已授爵秩人員外閒散子姓素無

職業誠恐進取之途未闢致嚮學之意漸隳嗣後八

旗宗室子弟有能力學屬文奮志科目應令與滿洲

諸生一體應試編號取中如此則賦質英異者咸服

習於詩書而學業成就者不沮抑於仕進凡屬宗支

人人得以自効而於朕興賢陞族之至意亦昭是以

允愜焉爾等衙門卽遵諭行欽此

康熙三十九年宗室子弟科舉會試奉

旨停止

雍正七年奉

上諭凡由舉人考試補用筆帖式者俱准其與舉人一

體會試其由貢監考試補用筆帖式者亦准其考試

總譯舉人時一同考試皆所以廣育人才使之各有
所成就也至於由貢監生員考取小京官筆帖式之
員其中未必無通曉舉業文藝者若因其已經得官
遂不得與於鄉試則彼平日之所學莫由表見亦屬
可惜著通行八旗凡由貢監生員之考取小京官筆
帖式者若願就鄉試俱准其與舉子等一同入場考
試使并善寸長不致遺棄以副國家教養人才之典

欽此八旗會試
門統此

又議准八旗考試文生員舉人進士四個月前

禮部行文該旗移取清冊於兩月前送禮部會

同兵部校對如鄉試期近科試後即行造冊送

部

雍正十年順天學政吳應棻摺奏駐防杭州開

戶之正白旗漢軍生員王之藩童生王溥本旗

不行咨送考試等因奉

旨王之藩王溥准其入場應試

雍正十一年准吏部奏准嗣後令各該旗於考

試之時將應考人員詳加分別滿洲漢軍開註

明晰咨送順天府註冊考試如有漢軍冒入滿洲額內中式者一經查出將咨送之該旗都統佐領等官交部分別照朦混造冊例議處該員照冒籍考試例革退舉人庶滿洲漢軍不得混行考試

雍正十二年奉

上諭朕御極以來於滿漢人才廣開登進之途冀收得人之效是以雍正元年定有滿洲亦准考試武場之例今已行之十年未見有宜用綠旗之材况滿洲馬技勇遠勝於漢人將來行之日久必至科場前列悉為滿洲之所占而滿洲文藝不及漢人又恐考試內場時不免有傳遞代作等弊似於作養人才之道未有裨益著行停止欽此

雍正十三年奏准考試大典攸關良賤名分宜肅查八旗開戶家人來歷不一當我朝定鼎之初有投充者有養育者有俘掠者伊等本係良民既經開戶即猶之復籍自應准其居官并與考試至於旗下累世家奴實屬出身微

賤或因已經開戶當差効力著有勞績准其居
官已爲不拘世類之寬典若并准其一體考試
則與出身微賤不准考試之定例不符倘伊等
廁各科目踐清華之列操衡鑑之司則所取士
子俱出其門將來
大國家登庸選舉者無非科甲中人若出開戶之門
於體統名分俱有攸關似非慎重名器之意請
勅下各該旗詳查來歷凡實係旗奴開戶者姑念自
行檢舉其現任職官及拔貢生監俱免革退以

廣

皇仁嗣後但許由旗下別途出身其本身及子孫一
體考試之處應永行禁止

乾隆三年議准滿洲漢軍考試各有一定籍貫
惟包衣人員有投充莊頭子弟隸內務府管轄
編入上三旗者又有舊漢人在內管領下及五
旗王公所屬包衣旗鼓佐領內者此等人員原
係漢人因考試之時俱由滿洲都統咨送是以
從前每有在滿洲額內入學中式者雍正十一

年經吏部奏准改正在案迄今日久包衣人員
或有不知此例者應行文內務府并八旗滿洲
都統將雍正十一年吏部奏准之後有包衣舊
漢軍人悞在滿洲人內入學出貢中式舉人應
歸漢軍額內考試者定限三個月逐一查明緣
由取具該叅佐領印結造具清冊咨送禮部存
案俟鄉會試時禮部按冊查對如仍有混行造
入滿洲籍貫者卽行叅奏將該管官交部議處
至嗣後包衣人員考試之時內務府及八旗滿

洲都統務須嚴飭該管官逐一查明實係滿洲
蒙古人員於本人名下註明滿洲蒙古字樣冊
送外其投充莊頭子弟及內管領旗鼓佐領之
舊漢人俱註明緣由另冊咨送禮部歸入漢軍
額內考試其再有將應歸漢軍考試之人造入
滿洲冊內咨送者一經查出禮部卽行叅奏照
吏部原議將該管都統佐領分別照朦混造冊
例議處

乾隆四年議准向來外省生員俱係隨棚補考

而滿學生員不便於他處補試是以未經定有成例嗣後學臣歲試滿學生員如有患病事故不能應試者定限於科考時補考即科考時仍有患病事故未能補考者定限於下次歲試補考統令該管官詳細查明并嚴加傳催務於限內補試至實有事故不能赴考由該旗該學造冊填註加結申送學臣如該生托故不到即行斥革該管官扶同徇庇一併議處應俱照舊例遵行再查各省駐防隨任之生員距京遙遠原

與在籍諸生不同若槩令赴京歲考其中多有未便若聽其竟不歲考亦屬於例不符今酌議駐防隨任各生有來京鄉試者即令補行歲試以符定制其因路遠及有事故不能鄉試者仍照原議令該教官造具清冊註明某生駐防某省某生隨任某處加結申詳學臣存案但不許止應鄉試而不補歲試致滋規避之弊該旗員及該學教官亦不許借端苛索倘有混稱駐防隨任及已經考過仍復羈留者明屬徇情朦混

該都統卽行查叅至隨任回旗之生仍查明欠
考次數照例補試

乾隆七年覆准先據鑲紅旗漢軍董國柱佐領
下閑散王載旭王載昱王載景王載防等呈稱
切載旭等之祖王宏忠原係

盛京民人於康熙年間入於本旗佐領下作爲另
戶後於雍正十二年間清冊旗人本佐領以載
旭等祖王宏忠因係民人入旗入於另託檔案
之內歷年俱准考試有案可查於乾隆六年九

月內蒙大部等衙門會同八旗議覆開戶人等
應否考試原卷內開另記檔案人戶誠恐冒濫
唯此內有另戶抱養民人爲子另記檔案者本
係良民應准考試等因在案今載旭之祖實係
良民入旗另記檔案於另戶抱養民人爲子另
記檔案者實同一體本旗以載旭等雖係另
但已入應記檔案之內未便送考伏思旗人考
試原分良賤抱養民人爲子者因係良民得與
考試載旭等民人入旗亦係良民懇乞准予考

試如虛情甘認罪等情經本部以王載旭等于
康熙何年月日因何事入旗作為另戶另行記
檔並伊祖王宏忠在關東時是何籍貫之處詳
悉查明過部以便辦理等因咨行去後今於乾
隆七年九月十五日准該旗咨稱查得閑散王
載旭等之祖王宏忠原係

盛京大梁河民人於康熙二十二年因伊表親周
日宣由敬謹王包衣撥出約同王宏忠一同入
旗于此佐領下作為另戶乾隆元年辦理時王

載旭等之父王朝璘在福建總兵任內尚未歸
旗仍以另戶開造後於乾隆二年來京始將民
人投旗緣由自行出首咨部另記檔案後於乾
隆五年閏六月內又將王宏忠民人之處遵照
戶部議覆平郡王查奏正紅旗漢軍戶口條例
內民人冒為旗人混入丁冊作為另戶者照民
人養子另記檔案之例造入黃冊本旗奏明咨
部另行記檔在案等因前來查乾隆六年九月
內本部等衙門議覆正白旗漢軍都統條奏考

試

大典攸關等事一摺內開入旗另記檔案人戶其中來歷不一雖於開戶有間實非另戶可此如令得與考試誠恐冒濫惟此內有另戶抱養民人另記檔案者本係良民應准其考試等因具題奉

旨依議欽此欽遵通行在案今王載旭之祖王宏忠該旗既稱原係

盛京大梁河人於康熙二十二年因伊親周日官約同入旗作為另戶復經平郡王條奏照民人養子另記檔案之例另行記檔等語是王載旭等雖於考試之例相符但考試大典未便草率相應仍咨該旗查例將王載旭等年貌履歷三代出具保結送部到日准其考試

乾隆九年議覆戶科給事中周祖榮奏嗣後入旗鄉試禮部先期行文入旗將應考生監人等造冊送部卽咨送兵部考試馬步箭合式者造冊劄發順天府仍一面劄行順天學政嚴傳入

旗生員前赴科考及錄遺併令國子監傳示貢
監一體錄科俱各憑文錄取造冊移送順天府
該府尹查明科冊箭冊俱有名者方准入場如
科冊有名而箭冊無名及箭冊有名而科冊無
名者俱不准應試題准通行八旗

乾隆十二年咨覆國子監查由貢監出身之現
任小京官筆帖式等官及在部候選官員查此
項人等本監向未考送今八旗貢監錄科事宜
係初定章程本監無從遵辦相應咨呈禮部定

議示覆以便遵照辦理等因前來查乾隆九年
十月內本部議准戶科給事中周祖榮條奏八
旗貢監令國子監傳示一體錄科憑文錄取造
冊移送順天府該府尹核對科箭兩冊有名者
方准入場並無將考箭合式之人本部造冊劄
監錄科之語且考箭後再行冊送錄科則爲期
甚迫難以從容辦理相應劄行國子監遵照原
議將各該旗送到貢監按名傳示錄取移送至
現任小京官筆帖式及在部候選等官原因其

係貢監出身所以准其一體應試查直省現任教職例由學政考送鄉試今現在小京官筆帖式及在部候選人員事同一例相應劄行國子監凡伊等由貢監出身者應照例由監一體錄科其由生員出身者仍赴學政衙門錄科

乾隆二十年奉

上諭八旗陳滿洲因到京年久向有考試之例故姑留之東三省新滿洲烏拉齊與在京滿洲等不同正宜熟習騎射爲國家之用嗣後東三省滿洲烏拉齊等考試之處著永行停止欽此

乾隆二十一年禮部覆准查八旗錄送鄉試文生員由學政錄科貢監生等由國子監錄科俱由各旗造冊咨送順天學政及國子監辦理今本年鄉試除各旗送到應考人等本部轉送兵部考試騎射外所有各旗送到繙譯生員應文鄉試之處查乾隆十六年有繙譯生員呈請文鄉試之唐侃等二名經本部行文該旗自行造冊咨送學政錄科在案今各旗送到文鄉試冊

內有繙譯生員五十餘名除本部轉送兵部考試騎射外其錄科之處應令各該旗自行查明另造清冊徑送順天學政錄送鄉試

乾隆二十一年吏部等部議准八旗另記檔案及養子開戶人等為民一案內開其一應舉貢生監查乾隆六年題准八旗開檔人等止許另戶抱養民人另記檔案者准其在旗考試其一切開戶另記檔案人等槩行禁止考試等因在案今八旗另記檔案人等荷蒙

恩旨俱令出旗為民應照各該旗造送之冊將此項另記檔案文武舉人文武生員貢生監生繙譯舉人生員仍照從前舊例原係另戶抱養民人為子者歸入民籍仍准考試如本係家奴開戶另記檔案者其本身係文武舉人生員貢生監生繙譯舉人生員准頂帶終身不准再行考試再此項人等既經出旗為民所有子孫應各照該籍民人例一體辦理

乾隆二十二年奉

上諭八旗童生生員遇歲科考鄉試時停其考試騎
射由舉人考試進士時仍照舊兼試馬步箭伊等
若馬步箭不好卽將名開除不准會試欽此

乾隆二十四年奉

上諭此後滿洲蒙古現任三品以上大臣子弟伊親
兄弟子弟有應試者令伊奏聞務必清語騎射皆
有可觀方准考試欽此

又奉

上諭據禮部奏請八旗有現任三品以上大臣子孫
及親兄弟之子可否令其入場鄉試一招甚屬有
意朦混前因八旗童生入場滋事風尚澆漓在平
日既不專務八旗淳樸舊俗而博取虛名且流爲
舞弊惡習不得不力爲整頓是以令伊等自行奏
明必其國語騎射皆有可觀方准考試童生如此
鄉試又何待言乃立法伊始而本人並不奏卽
聞送禮部禮部亦卽含糊具請希圖僥倖是誠何
心若謂前旨專屬童生而言則生員已經考試童
生且不具論其貢監一途人人可捐若不須陳奏

是童生不得應小試轉可避而應鄉試矣有是理
耶伍齡安等自問能登答此旨乎其中係何情由
著卽明白回奏仍將冊內開送應考十餘人之父
兄一一查明具奏并令在京總理事務王大臣傳
齊伊等令看此旨令其自行明白回奏朕法在必
行毋謂小小伎倆可以嘗試也欽此

又奉

上諭上年降旨令八旗三品以上大臣有子弟應試
者自行奏明方准入闈特因旗童在場喧鬧滋事
是以爲伊父兄示之節制俾知崇實黜浮破除積
習非槩從禁制遏其進取之途也乃今年鄉試屆
期伊等既不遵旨自奏禮部又爲含糊具請似此
巧爲嘗試將使故智益萌伊於胡底八旗淳樸素
風爛國語習騎射其人果有足錄均可量能擢用
若科目者特備儲材一格耳今乃豔心詭遇又從
而釣弋其名淵藪其弊是以國家啟迪後生之途
轉爲蠹壞人才之具可乎且我朝開國以來名臣
碩輔莫不志秉忠忱才優韜畧初非從事佔畢者

即住躋大僚內而大學士尚書外而總督巡撫勳
名氣節指不勝屈大約皆非出於甲乙兩榜卽近
時大臣在科第中有名者不過如鄂爾泰尹繼善
一二人而已然其見用實以其心地材幹初不以
其文也其他倖列科名而名實不副者亦指不勝
屈若奉寬國柱者流以滿洲本色論之皆不能至
驍騎者而乃託名斯文平日又不肯潛心力學惟
事希心襲取視爲功名捷徑甚至懷挾夾帶無弊
不作卽立法嚴行搜檢而所派大臣非親卽故俗
稱官官相護亦復有名無實此所關乎風俗人心
者甚鉅朕安得不力爲振刷以挽頽風伊等至此
尚不思痛自湔改一似鼠身入闈卽可僥倖萬一
勢必欲朕盡停鄉會試而後已乎所有禮部單開
不循例自奏遽任子弟冊送考試之尹繼善等著
將該部及該旗會否抄錄前奉諭旨行文知會伊
等之處令該部旗及伊等本人據實明白回奏再
降諭旨至僧保住傅巖乃係內務府人員進身豈
患無階而亦令子弟騫名科舉又顯違旨不奏尤

爲庸妄著將僧保住傅巖革職並將伊子弟革去
生監在內務府庫使上効力行走不准給俸俟五
年無過該管官奏明另請挑差其朦混奏請之禮
部堂官伍齡安等着交部嚴察議奏欽此

乾隆三十年奉

上諭前經降旨八旗三品以上大臣子弟果有嫻熟
國語練習弓馬者遇考試之期該父兄自行奏明
准其入闈原因八旗淳樸素風近來未免沾染虛
浮艷心詭遇且從而釣弋其名淵藪其弊是以示

之節制俾知崇實黜華非槩重禁制過其進取之
途也乃邇年來八旗大臣竟無奏請子弟應試者
未免多生顧慮因噎廢食伊等旣不潛心力學而
於國語騎射又未見專攻嫻習頓覺出色自不如
兼收並進猶可爲造就之資也我國家滿洲世臣
宣力贊政者多原不藉文章一途但承平百餘年
滿洲詞臣文藻黻飾亦不可少大臣子弟中果能
於國語騎射之外兼習文藝在伊等延請師資擴
充聞見較之寒素家成材自易嗣後所有八旗大

臣子弟仍准一體考試無庸奏明請旨倘伊等仍不以實學就考如前懷挾或進身之後仍蹈虛浮陋習托名斯文無裨實用朕又何難隨時懲治俾知儆惕乎可將世通諭知之欽此

乾隆二十四年原奉
上諭詳舊行例案

乾隆四十二年議准兼管順天府尚書袁守侗等條奏八旗貢監生員鄉試及歲科考試文章由部查取旗冊之處俱行停止一疏內開查八旗諸生應試名冊其中有無遺漏舛錯雖須詳查辦理但各該生是否准其入場尚由順天學

政及國子監考錄之後方許投卷究非專據旗冊收考且入旗生員徑赴順天學政錄科貢監徑赴國子監錄科則應造名冊即可由各旗移送該學政及該監查辦以歸簡易應如所奏嗣後八旗貢監生員應鄉試者先由順天學政及國子監行文各該旗造冊移送錄科後徑送順天府准其投卷入場其由禮部查取旗冊轉發之處應行停止至八旗童生歲科兩考亦應如所奏毋庸由部取冊轉發卽由該府丞查取旗

冊辦理再查考試繙譯舉人生員各冊并請由
各該旗徑送順天府核辦以昭畫一
乾隆四十三年禮部奏准宗室停考一摺內稱
據順天學政汪廷瑛將文生員現充滿教習宗
室榮恆候補筆帖式宗室克誠均係進學之後
復還宗室可否鄉試之處呈明核定等因伏查
上年二月奉
旨朕前降旨將英親王阿濟格子孫均復還黃帶子
敘入宗譜乃推廣

皇祖恩意俾其子孫得列天潢今據吏部奏稱復入宗
室之現任人員俱應一體出缺以宗人府職官對
品改補固屬遵照定例但念伊等向列仕籍原在
未得黃帶子之前若因此而令將現缺全出候補
無期是朕此次施恩惟使其宗支奕世蒙庥而現
在職官轉不得同時被澤矣著加恩將此項改歸
宗室之現任京外人員其本身均留原職仍與滿
洲人員一體轉毋庸出缺改補其現在候補候
敘人員亦仍以滿洲員缺照舊銓用其未經出仕

之子孫自當照宗人府舊例行至官學生係尚未
出仕之人卽改歸宗學欽此欽遵在案查宗室考
試之例久經停止英親王子孫旣復宗室自後
例應不入考試今該學政咨稱文生員現充滿
教習宗室榮恒候補筆帖式宗室克誠可否鄉
試之處查該二員現係候補候敘已蒙
恩旨仍以滿洲員缺照舊銓用其取中文生員雖在
未復宗室以前應照宗人府舊例不必錄送鄉
試奉

旨知道了欽此

欽定科場條例卷五

科舉五

雜項人員科舉

一順天鄉試

武英殿校對

景山等處官學教習各寺院効力各館肄業謄錄
 俱准應試由貢監生充選者於國子監錄科由
 生員充選者於順天學政錄科俱由各衙門各
 該處冊送

一順天鄉試國子監入旗官學教習由本監錄送

一順天鄉試現任小京官由貢監生出身者准

應鄉試由本衙門咨送順天府

一候補候選人員貢監生就職加捐俱准應試

順天由吏部據呈咨送國子監錄科本省由府

州縣申送學政錄科

一順天鄉試在館膳錄之直省生員按照省分

歸入南北中血字號應試由本館咨送國子監

錄科順天生員仍由具字號應試

一順天鄉試欽天監肄業之生員本監移送學

政學政移咨禮部核與該監造送考取原冊相

符准其錄科應試其未經補缺之天文生該監

仍不得移送科舉

一直省教職情愿應試呈報學政考送

一奉

旨應試之人各該處具奏咨送

一孝廉方正給以頂帶榮身願應鄉試者係生

員由教官申送係貢監生由州縣申送俱於學

政錄科

一順天鄉試現任京外官胞兄弟子姪隨任讀書准其取具本官隨任印文無論正途俊秀一體收錄京官俱用堂印外官州縣以上具印文徑送國子監或咨禮部轉送佐雜由所任地方正印官加具印文申送

聖廟執事官由貢監生充補情愿鄉試者准令一體

應試若係生員童生准作監生應試

一邊省土司有志觀光陳請科舉准其一體應

試

一由生員舉博學鴻詞等科到京者准其應

順天鄉試

現行例案

順治三年定教官願應本省鄉試許與生員一體考送卷面書官字另案發落

又定直省現任教職年力精強文學優長者准

提學考送鄉試

康熙四十四年奉

上諭凡南巡考取貢生監生帶來纂書者著翰林院移文咨順天府府尹一體鄉試內有生員亦准一體鄉試欽此

康熙五十三年覆准凡太醫院及各館有應舉之生監於各該管處具奏移送到日准其考試
康熙六十年奉

上諭凡係奉旨應試之貢生該處具奏咨送准其應試其未經具奏私行咨送者概不許應試欽此

雍正元年覆准候補天文生及補用天文生之監生生員由該監造具年貌履歷籍貫經書送順天府入皿字號鄉試

雍正七年覆准教官情願應試許呈報學臣入冊送考倘藉應試私回鄉里者照無故擅離職役罰俸九個月

雍正八年議准

聖廟執事官其由貢生監生充補有情願鄉試者令

共一體鄉試若係生員童生准作監生應試

雍正十三年議覆貴州學政晏斯盛奏請土司
龍紹儉准其鄉試之處毋庸議奉

旨土司龍紹儉原由生員出身既有志觀光陳請科舉
著准其一體應試若得中式其土司世職亦可著伊
將應襲之人舉出請襲欽此

乾隆元年議覆廣西學政潘允敏題請土司徐
國丞由生員承襲土職援照龍紹儉例一體鄉
試奉

旨徐國丞准其一體鄉試欽此

又議覆貴州學政鄒一桂題請土司安守仁十
主簿楊世正俱由廩生承襲土職援照龍紹儉
例一體鄉試奉

旨安守仁楊世正俱准其一體鄉試欽此

乾隆元年奉

上諭凡由捐納候選之貢監舉人例不得與鄉會試
從前事例內有捐應鄉會試一款今捐例已概停
止此等貢監舉人有志科名著勢皆不得援例與

金史卷之八十五 禮部
試矣朕思此等人員尚在需次選曹與既登仕籍者有間不得因捐資候選屏諸場屋之外直隸各省貢監生捐官願與鄉試舉人捐官願與會試者准令一體考試以示鼓舞人材之意欽此

是年舉博學鴻詞科各省有由生員舉報到京者准其應順天鄉試
乾隆九年禮部等衙門議覆監察御史楊開鼎奏請孝廉方正之給頂帶者宜准其一體鄉試一欵查各省府州縣所舉孝廉方正其才具優達者既經送部引

見分別錄用其餘原謹之士已給頂帶與既登仕籍者不同每遇賓興之期仍可一體應試正與科場條例所載捐納人員銓選未經得缺俱准鄉試之例相符故近科鄉試由保舉孝廉方正中式者亦不乏人原未嘗有不准鄉試之例但直隸各省教官州縣因其既已出學則生監冊中無名造送之時或不無留難之弊亦未可定請再通行直省督撫學臣凡孝廉方正給以頂帶

榮身愿應鄉試者本係生員仍由教官申送錄科本係貢監仍由州縣申送錄科學臣務嚴加考試如文藝果佳自不得阻抑其進取之路亦不得以已經保舉濫行錄送

乾隆二十一年覆准御史程廷棟奏請將現在肄習之天文生嚴加甄別酌定額數造冊咨部嗣後額缺需人照各館騰錄之例奏明考試將考取名數咨部註冊依次入監肄習遇鄉試咨送該學政錄科咨部查與原冊相符准其應試如有不符卽治以浮冒之罪等語查肄習天文生既經該監奏明選取三十名以二十四名附於算學六名交漏刻學習應請卽照此數著爲定額不得於額外多取至現在肄習人員令該監遵

旨嚴行甄別擇其術業果堪造就者留監其餘悉從黜退其留監肄習者令該監造具清冊開載年貌籍貫是否生員並懸額未補幾名註明冊內預送禮部存案屆期鄉試該監將肄習之生員

照例移送學政科舉學政卽移查禮部核對冊
內有名者准其考錄如冊內無名或臨期將懸
額頂冒濫送科舉禮部查出卽照例叅處再肄
習人員入監之始原憑同鄉京官印結收錄但
從前並不考試其人之可否造就實屬無從鑒
別嗣後額缺需人應由該監自行奏明照考試
算學生之例嚴加考試于投結願考人內試其
術業可以造就者酌取數名依次補充肄習之
額仍將考取人數造冊送部存核其由生員考
取未經補額之先該監不得移送科舉如此則
所有從前掛名天文生冒濫科舉之弊可除矣
乾隆二十一年覆准各寺院効力生員逢鄉試
之年有由該管衙門咨送學臣者學臣仍分欸
咨送但須將科考之冊彼此互對不得重複開
送致滋混淆

乾隆四十四年內閣抄出多羅質郡王等奏四
庫全書處皿字謄錄貢監各生向逢京闈鄉試
之期俱由各館咨送國子監錄科應試其貝字

膳錄各生實係籍隸順天者仍由順天學政錄
科應試惟現在貝字膳錄內有前由寄籍順天
入學旋經遵例改歸該省原籍併有由

召試二等在館行走各生以在館膳錄不能回原籍
應試俱呈請就近在順天鄉試各取具同鄉京
官印結前來可否准其按照省分歸於南北中
皿字號照例由本館咨送國子監一體錄科應
赴順天鄉試之處奉
旨著准其歸入皿字號應順天鄉試欽此

又據國子監咨呈稱准禮部劄稱據順天府咨
稱准吏部咨送七品小京官溫承恩鄉試查該
員係丁酉科拔貢在部學習行走之員應否照
現任小京官成案毋庸錄科抑或照候選人員
之例仍赴監錄科咨部定議查

欽定則例內開現任小京官由本衙門冊送順天府
溫承恩應照現任小京官之例辦理等因到監
查乾隆十二年准禮部咨稱現任小京官筆帖
式及在部候選等官應一體錄科再查三十五

年准禮部轉送現任工部司務李敬澂錄科亦
在案現准禮部將學習司務李之楷等三員并
准各衙門咨送七品京官張裕寧等四員到監
應否照工部司務李敬澂之例抑或照各衙門
徑送順天府鄉試之處未奉分晰礙難辦理祈
速覆過監以便遵辦等因前來查乾隆十二年
據國子監咨查現任小京官應否錄科之處經
本部查照舊例應一體錄科割覆在案嗣經本
部續修則例議准在京候補候選人員由吏部
據呈送部行國子監錄科其現任小京官由本
衙門咨送一體冊送順天府等語今吏部小京
官溫承恩係欽奉

特旨以部員用經吏部議准以七品小京官在部行
走自與候補候選人員不同應照例冊送順天
府至本年五月內割送本部學習司務李之楷
王朝颺戶部學習司務程蓮孫等三員雖俱在
部行走仍係候補之員應照例行國子監錄科
所有各衙門割送七品京官張裕寧等四員應

否錄科之處應聽國子監自行查例辦理

附載駁案

乾隆六年議覆御史祿謙奏請嗣後凡正途出身之佐貳等官遇鄉試之年有志上進者具呈該督撫或移咨本省或移咨順天府俱照教官之例准其一體鄉試中式之後准其會試其下第者准回原任等因查教官專司課士與舉業有教學相長之益平時講習正於職分無曠故向例准其一體入場應試至於佐貳等官較之州縣官雖有繁簡之殊而所司或係漕糧或係捕盜以及河防禁獄諸務皆關地方緊要之事若復用心舉業以圖應試必於執事多所廢弛且定例選用教官不出本省其應試之處原屬就便若佐貳官所選地方例係隔省多有相去甚遠者如概行回籍及赴京應試不惟曠職愈久亦且跋涉維艱該御史所奏佐貳等官准其鄉試之處勢屬難行應毋庸議

乾隆十年議覆直督高斌咨稱查定例現任教

職由歲貢出身愿就本處鄉試者准其入試又
定例嗣後監生不論已未考職愿京闈鄉試者
仍照舊例考試各等語惟恩拔副榜歲貢監生
如已捐考職銜奉

旨揀發外省委用未經得缺及在河工等處効力未
經委用得缺者是否亦鄉試之處並無明文擬
合咨詢等因經本部以揀發外省委用及河工
効力人員雖係未經得缺但既已揀發外省及
河工効力係本省督撫題請揀發有應行委用
差遣之處未便令其奔走道途有曠公務等因
咨行去後今准該督咨稱查武場條例如千把
總等係有防守汛地之責仍准其一體會試並
不有曠公務則効力有職貢監似得推廣與加
捐候選貢監一體邀恩鄉試等因前來查揀發
外省委用及在河工効力人員雖未經得缺但
俱屬據呈揀發並非候選者可比今既情愿揀
發若再行准其鄉試則原籍地方恐遠近不等
未免有曠職守難以照千把總之例遽議准行

欽定科場條例卷五

科舉六

咨送文冊限期

一順天鄉試諸生到場期十日以前咨送五日

以前投卷逾限咨送者不准入場

一各旗鄉試名冊並順天學政國子監錄科冊

均行順天府查核辦理若冊送後補到者查無

事故一體送試

現行例案

康熙四十四年題准順天鄉試應試諸生務在
場期十日以前咨送五日以前投納試卷逾限
不准入場

康熙四十七年題准國子監咨送鄉試名冊於
八月初二日始到與定限十日以前例不合除
將典簿官交部察議外應試士子仍據冊送試
康熙五十二年題准定例鄉試咨送在十日以
前納卷在五日以前今學臣續送名冊已逾定
限但

萬壽開科曠典多士踴躍觀光照四十七年例收試

雍正六年題准外省貢監赴京闈者親齋地方
官印文併地鄰甘結限鄉試年二月到監其閩
粵滇黔四川湖南諸省路途遙遠准其展限兩
個月到監

乾隆十八年覆准嗣後順天鄉試錄科請令學
臣恪遵定例同監臣均於場期十日前冊送毋
得任意逾限以昭畫一

乾隆二十一年覆准御史朱嵇條奏嗣後順天

錄遺之貢監生員學政務與正案一體詳造年
貌籍貫經書全冊咨送以便監試按冊查核
乾隆三十年議覆御史戈濤奏應試驗文宜加
裁革一欵議得順天鄉試凡已經錄取科舉生
員俱令赴學具文一申學政衙門查驗一申順
天府察核投卷其未經錄取生員例赴學臣羅
試則令該學各給羅文申送在立法之初意不
過爲計算實到人數以定續取之額但查科舉
定額已久以下科比照上科即可核數無需查
對驗文且取錄之後學臣彙冊送順天府據冊
投卷已爲周密臨場復給驗文不特於事屬繁
複亦恐啟官吏需索之端應如該御史所請將
學院順天府驗文概行停止至例赴羅試生員
固應由該學給文申送但一人給一文亦屬瑣
屑自應量爲變通嗣後凡遇應羅試者統令本
生先期報明該學查無事故與起送之例相符
總造年貌清冊備文呈送學政衙門收考取錄
之後該學政將名冊知照順天府投卷

乾隆三十三年議覆山西巡撫蘇爾德條奏新
例鄉試事宜既歸巡撫衙門凡一應冊籍尤關
緊要其中倘有假冒頂替錯填經書之處核對
更宜詳慎嗣後各省學政於歲科兩試取進文
武新生名數紅案發學後卽飭地方官將所進
新生名數并各履歷造冊呈送督撫備查至歷
屆舊案文武生員并令各學政每逢歲科兩試
飭教官照格眼冊另造一本牒送地方官呈送
督撫衙門存案

乾隆三十四年覆准湖北巡撫查訊新中舉人
李桃張汝弼潘德化胡薰四名臨場私改經書
照違

制律杖一百革去舉人嗣後凡遇鄉試之年各直
省學政造送錄科錄遺等冊均照順天鄉試之
例將年貌籍貫經書註明移送布政使衙門交
該收卷官於投卷時詳加核對倘有不符不准
收卷仍將底冊移送提調監試等官查核以杜
臨場私改經書之弊

附載駁案

乾隆十八年議覆御史魏涵暉奏稱錄科名冊
 監臣謹遵成例定於頭月二十五日送竣二十
 六日概不收考而學臣則至八月初一日後尚
 在錄送查會試投文例限初一而初四五趕到
 者仍令入場請嗣後鄉試可否照會試之例以
 初一日為限投文之後試其文理優通不逾科
 舉正額即准錄送若遲至初二日順天府即行
 查叅如此則監臣送考之期與學臣不致參差
 等語查科場條例內開順天鄉試諸生務在場
 期十日以前咨送五日以前投卷逾限不准入
 場等語又乾隆十六年准兼管順天府府尹蔣
 炳等奏稱近科以來監臣學臣咨送鄉試名冊
 每多任意逾期且有主考已經入場尚為續送
 者以致試卷舛錯點名散卷俱為紊亂仰請
 勅下順天學臣國子監臣遵照定例於場期前月
 十七日前送齊如有違例逾限續送臣等一面
 照例駁回一面奏請將違例送考各員交部議

處等因奉

硃批著照所請行該部知道欽此^上等伏查順天鄉
試生員由學臣錄送貢監由監臣錄送順天府
始行收考與會試舉人投文^臣部徑行收考者
不同是以鄉場定例於場期十日前送齊俾順
天府從容辦理卷冊且得以稽察貢監中頂名
冒考諸弊若照會試展限至初一日則爲日無
幾不免匆忙舛錯而頂冒等弊亦不能逐一察
核學臣或逾期錄送者原取止科有名憑文補

送何因此而議監臣辦理之參差嗣後順天鄉
試錄科請令學臣恪遵定例同監臣均於十日
前冊送毋得任意逾限以昭畫一應將該御史
所奏錄科展限之處毋庸議

乾隆二十一年議覆御史朱嵇奏嗣後凡係直
隸生員在各寺各館効力及各寺院肄業等項
俱歸本學錄科錄遺等語查定例各省學政按
府科試凡府州縣生員由本學申送錄科考列
優等者鄉試屆期學政照各考案名次造冊移

送入場又定例在京欽天監馮臚寺太醫院等衙門効力肄業生員例得鄉試者由該管衙門移咨學政轉送是各寺院効力肄業之生員向例不隨棚考試至鄉試之年俱由寺院咨送學臣錄送應將該御史奏請歸本學錄科之處毋庸議

欽定科場條例卷五

科舉七

新疆應試馳驛

一 新疆應鄉試貢監生員人等俱准馳驛

現行例案

乾隆四十二年奉

上諭向來雲南貴州舉人進京會試一路賞給驛馬騎坐所以體恤遠方寒峻者至優極渥本年陝西鄉試中式第二名舉人黃斌即係新設迪化州阜

金匱要略卷之九
康縣人可見關外人交漸盛殊屬可嘉第念該處
進京道里較雲貴等省更遠卽每科新疆士子赴
西安鄉試路亦不近而新疆車馬等項顧覓維艱
殊堪軫念嗣後嘉峪關以外士子赴西安鄉試及
進京會試並著加恩照雲貴之例一體賞給驛馬
以示優恤邊陲寒士之至意欽此

乾隆五十五年十二月本部進

呈科場條例具奏內開臣等謹按天文生一項有
由監生克補者有由各省生員克補者向來鄉
試國子監與順天學政均可錄科咨送但兩處
考試易啓趨避擬請嗣後凡各省生監俱歸國
子監錄科順天生員仍歸順天學政錄科以
畫一

欽定科場條例卷六

起送會試

直省舉人會試

一 直省舉人由本籍地方官具結申送布政司核明詳院請咨發司轉發各州縣給舉人親賫赴部投遞仍先造冊送部

一 順天鄉試新中舉人未及回籍起文者取具同鄉六品以上京官印結及舉人互結具呈禮部准其會試禮部先期劄知國子監順天府遵

行並出示曉諭

一舊科舉人上科曾經會試因依親覓館未及
回籍起文者取具同鄉六品以上京官印結具
呈禮部一體准其會試隨任子弟各衙門咨送
一舉人等遇本生父母喪期年內不准會試

現行例案

康熙五年題准直隸舉人責成順天府等起送
各省舉人責成布政司起送欠糧緣事斥革及
現在議處未結與罰科丁憂患病等項確察不

送

舊例會試舉人除各省督撫造冊逐名給文起送外其順天鄉試各省由南北兩等字號

中式有不及回籍起文者取具同鄉舉人互結并京官印結准其會試又留京舉人未及回籍起文者亦准取京官印結會試

雍正九年覆准舉人會試咨文應令該舉子呈
明本州縣代為詳請布政司飭發各州縣轉給
以免其赴司領咨之繁

雍正十三年議准本生父母之喪期年不准應

試

詳見生員科舉門

乾隆二十九年會議准山東布政使梁翥鴻條

奏赴京會試之文武舉人請詳院給咨一招奏
稱文武舉人赴京會試造冊送部文則由司徑
報禮部武則由司送院咨報兵部辦理亦未畫
一請嗣後文武會試應令原籍地方官查明具
結申送藩司由司核明詳院請咨發司轉給所
有應造各冊一體查照送院核明咨部等語查
外省所辦事件如有未盡畫一之處原可隨時
酌定以符體制該布政使所奏文武會試請照
官員赴選起復之例辦理事權均歸一例體制
亦屬相符應如所請嗣後文舉人會試俱照舊
例申送藩司由司核明詳院請咨發司轉給其
應造各冊一體查照送院咨部并嚴飭上下衙
門各照題定起送之期隨到隨給倘有吏胥需
索留難以致遲悞察出叅處

又咨覆直督方觀承請令直隸舉人照例由司
詳院給文二案查直省會試文舉人直督所屬
者向由各府州給文赴試出順天府屬者向由
府尹給文赴試今各省舉人會試既歸藩司核

明詳院請咨藩司轉給其直隸一省自應畫一
辦理除順天府屬仍由該撫尹給文會試外其
直隸總督所屬地方應照新例州縣徑詳布政
使由司核明詳院請咨發司轉給相應咨覆該
督查照辦理

附載駁案

乾隆元年議覆御史李賢經奏稱新科會試舉
人既已赴宴領訖坊銀又赴各府州縣請詳到
司方行給咨赴部不特往返稽延且恐胥吏需
索滋擾請嗣後直省新科舉子卽於領給坊銀
之時一並給與咨文水脚俾得就便赴京會試
等語查雍正九年內閣大學士議覆廣東巡撫
鄂彌達奏請會試之年令各屬將應試舉子預
行報明布政司該布政司將各屬所徵盤費合
計人數均勻派定飭行各州縣按數支給至舉
人應試咨文令舉子呈明本州縣代爲詳請布
政司飭發該州縣轉給以免赴司領咨之繁等

語奉

旨依議欽遵通行在案是會試舉人應領咨文水脚俱由本地方給發不待親身赴司關領無慮往返稽延胥吏亦無從措勒索臣部於議覆鴻臚寺少卿宋在詩條奏再通行嚴飭令各該地方官實力奉行自可無弊至順天鄉試新科舉人向例籍隸順天者由順天府咨送籍隸各府者由各府申送其各省在京中式者亦取具同鄉京官印結報部從無順天府徑行咨部之例况舊科舉人例由該州縣詳請給咨而新科舉子由布政司給咨事不畫一且恐該舉子有違碍等弊布政司亦無從稽查相應將該御史所奏無庸議

乾隆三十三年議覆河南道監察御史曹學閔奏會試起文舉人宜歸簡易一疏據該御史奏稱應試舉人現在有無事故本籍州縣官見問最確卽藩司督撫亦祇據文轉給並未另有稽查之處其與赴選起復官員看驗給咨者不同請照貢監生赴順天鄉試例由本籍州縣官具

結送考并令各督撫於會試之年正月二十日以前造冊送部對冊收考等語查各省貢監赴京鄉試俱有執照可憑到監驗照後復行考到錄科始准鄉試至舉人無論已未揀選卽係職員非由司核轉詳院給咨送部不足以昭體制是以題准文武舉人起送會試照官員赴選起復之例呈明本籍州縣山府申司由司詳院中間倘有抗糧緣事及議處未結與罰科丁憂等項得以逐層查察其中詳發批仍行勒限遲者聽督撫叅處定例不厭周詳訂以昭慎重稽查之意再舉人會試應給盤費銀兩例由布政司飭行州縣按數支給詳查咨部奏銷若一切委之州縣僅憑冊報爲據非特於體制未符而不肖胥吏恃無上司衙門稽查肆意爲奸其需索留難之弊更將不可窮詰至各省造送應試舉人名冊向例於會試年前限十一月內送部若如該御史所奏令州縣官出結送考後再行造冊送司詳院展限於會試年正月二十日以前

始行送部轉致遲滯應將該御史所奏毋庸議
乾隆四十三年軍機大臣會同本部議覆太僕
寺少卿曹學閔奏各省舉人會試令州縣出結
送部一摺查各省舉人會試由本籍州縣具文
申詳布政司及督撫給咨轉發各州縣交該舉
人親賚送部定例周詳遵行已久前據曹學閔
奏請會試舉人親賚執照止須呈明本籍州縣
給與印結赴部投遞等語經禮部以州縣出結
送部體制不符且恐恃無上司衙門稽查其弊
更難窮詰議駁在案今復據奏請會試將近州
縣一面造冊申詳司院彙齊咨送禮部一面出
具印結付該舉人親賚赴部以歸簡易等語
等伏思會試乃
國家掄材大典舉人中有無緣事違碍等情自當
由州縣詳送督撫核明給咨方昭慎重詎得以
督撫未曾核准州縣卽一面出結送部况各省
起送會試原有一定限期舉子按限具呈請咨
地方官自必按限申詳給發亦何至有舉子因

限期迫促起身周章之事且舉人所領文書仍由院司發交各州縣轉給院司書吏並不與舉子覲面親交自無從向其勒索若鯁鯁焉以勒索爲虞則舉人赴縣領結時該縣吏胥仍可從中留難滋弊是惟在地方官留心覺察實力查辦自可杜絕弊端又何必更張定制所有該少卿奏請應試舉人止須賚結赴部之處應仍毋庸議

乾隆四十二年奉

上諭軍機大臣會同禮部議駁曹學閔條奏會試舉人徑由州縣出具印結親賚投部一摺已依議行矣舉人會試由州縣申詳院司給咨送部體制本應如此况給咨時書吏並不見面何從向其勒索設果有不法書吏該管上司自無難據實查究於士子並無所累且其事遵行已久無甚關係何必輕議更張曹學閔前在御史任內以此事條奏會經部駁猶屬言事之常今久已陞任太僕寺少卿既非官守又無言責乃復申理前說期於必行殊

屬非是明季科道往往各執一見紛爭不休甚至
 多人附和門戶分持其積弊最為可惡我國家自
 祖宗以來屢經整飭朕復力為申禁諸臣漸知漸改今
 曹學閔此奏復蹈明季言官陋習其風斷不可長
 曹學閔著交部嚴加議處欽此

欽定科場條例卷六

起送會試

雜項人員會試

一各省舉人在京候補候選不及回籍起文情
 願應試者行文吏部查明造冊咨送到部准其
 會試

一舉人充中書評事博士助教學正學錄小京
 官等由該管衙門咨送到部准其會試
 一舉人現任教職由各省督撫給咨該教職親

賈赴部准其會試

一舉人充教習及在各館効力者由各該處咨

送到部准其會試

現行例案

順治十七年

諭撰文辦事中書俱准應試即中式仍在內閣辦事其

勤勞稱職者准加銜留任永著為例欽此

康熙三年題准舉人考授內閣中書及現任者

但准會試

康熙七年題准舉人就教仍准會試

康熙五十七年文武互試

上諭

見雜項人員科舉門

乾隆元年捐納候選之舉人准會試

上諭

見雜項人員科舉門

乾隆七年議准文武互試之例永行停止

乾隆二十四年准吏部咨舉人現任教諭俸滿

赴部引

見奉

旨著同任呈請留京應明歲會試應咨禮部辦理查
教職舉人選授者例取原籍文結准其會試今
該教職既准吏部咨明由舉人選授俸滿來京
見願留京會試應准其留京會試

乾隆四十五年本部批駁降調教諭朱成志呈
請會試一案查乾隆十年據順天府將降調學
正莊日榮可否准予會試請示到部經本部行
查吏部該員降調後將來應補何項職員去後
旋經吏部覆稱學正係正八品降三級應以從
九品官用等語嗣經本部查教職一項所以准
鄉會試原指現任及候選候補者而言莊日榮
既經吏部覆稱應以從九品官補用查從九品
係雜職與會試之例不符劄覆該府尹在案今
朱成志係由教諭任內
計典被參降三級調用人員其呈請會試之處與
例不符應不准其會試

精典對卷列三... 欽定科場條例卷六

欽定科場條例卷六

起送會試三

一八旗舉人會試

一八旗舉人及由舉人出身之筆帖式等由各該旗備造滿漢清冊註明滿洲蒙古漢軍包衣旗分佐領年貌三代經書科分及並無事故字樣咨送過部會試

一八旗舉人會試名冊由部先咨兵部考試馬

步箭合式者兵部冊送過部方准其入場

例案

順治八年題准滿洲蒙古漢軍舉人各衙門筆

帖式照生員應試例會試分榜原議見八旗科舉門

順治十四年停止八旗考試

康熙三十六年宗室子弟應試

上諭見八旗科舉門

康熙三十九年宗室子弟會試奉

旨停止

雍正七年奉

上諭凡由舉人考試補用筆帖式者俱准其與舉人一

體會試欽此

雍正八年御史魏繹摺奏駐防杭州遠年開戶

之正白旗漢軍舉人正之樑本旗不行咨送會

試等語奉

旨舉人王之樑著交部一體會試欽此

乾隆二十二年奉

上諭嗣後八旗舉人考試進士著兼試馬步箭伊等

馬步箭不好不准會試欽此

乾隆三十一年咨覆

東陵總管請

昭西陵八品筆帖式伊常阿由文舉人出身援正黃旗
舉人筆帖式五德保中等俱係文舉人用知縣由知
縣降級調用筆帖式具准會試之案咨部考試
前來查乾隆二十八年正月內准吏部咨稱歷
來凡已任知縣之舉人因不勝民牧之任以教
職改補未經得缺之前有呈請會試者本部據
呈咨送會試至八旗舉人曾任知縣亦由不勝

民牧以筆帖式改補之員與改教人員事

例自應一體准其會試如其中有題叅革職降
調以筆帖式改補之員不得援照此例等因在
案今筆帖式伊常阿既稱係題叅才力不及降
補筆帖式之員自不便援例會試相應咨覆

東陵總管衙門辦理

乾隆四十年奉

上諭據派出驗看本年會試舉人騎射王大臣等奏
稱應行考試者一百二十五人內報近視眼者七

十三人已揀令三十八照常騎射外其餘實屬不能之五十三人俱未令其騎射等語馬步騎射係旗人根本卽讀書人亦不可不學今考試一百二十餘人內報近視眼者竟有七十餘人之多明係捏報希圖規避滿洲習氣竟至若此實堪憤恨若以近視眼不能騎射哈達哈卽係近視眼此衆人之所共知伊何以隨取畋獵殺牧乎此輩因不能騎射遂藉口以圖僥倖甚屬不合滿洲臣僕甚衆豈必賴此數人况此等無用人內將來亦斷不能得人所有不能騎射之五十三人俱著停其考試豐訥亨等並未奏及仍請嗣後交該旗大臣詳查報部派出大臣驗明後方准免其騎射所奏殊屬姑息嗣後考試人內若有似此不能騎射者俱著停其考試著爲例再此輩明係捏報該旗大臣等所司何事因何出結送部著軍機大臣查明奏聞

欽此

乾隆四十四年奉

上諭今日據派出監視考試繙譯進士八旗舉人馬

步箭之引暢等奏稱此次應考繙譯進士人員內除患病有故之外其餘步箭尚可者僅四十七人
人數不足應否准其考試之處請旨等語滿洲等
讀書學習繙譯固係當務之事而馬步箭究係滿
洲根本斷不可不至精純若不能射馬步箭即使
繙譯尚好亦屬無用是以凡遇考試必特派王大
臣先看馬步箭擇其稍可者方准其應試此次步
箭平常以及不能騎射之佛保等九人除名不准
考試甚是其餘四十七人雖不足數並與入於貢

院之例不符而馬步箭尚可但停止考試繙譯進
士舉人之例業已二十餘乎今朕特恩復行准考
况上年初次考試繙譯舉人是應考進士者亦不
能多有其人若因人數不足照例不准考試非朕
教育滿洲至意此四十七人著加恩交該部仍行
辦理考試但八旗都統等平日辦事無多此等事
亦不能辦理乎著通行曉諭八旗此一次朕不深
究嗣後凡考試進士舉人生員之人各該都統等
務必嚴行查察善爲教訓於未考之前揀選馬步

箭可觀以及稍可者准其送名倘仍有平常之人
被特派王大臣查出具奏不惟不准其人應試唯
該都統等是問斷不寬恕也欽此

舊行例案

雍正八年銜史魏繹摺奏駐防杭州遠年開戶
之正白旗漢軍舉人王之樑本旗不行咨送會
試等語奉

旨舉人王之樑著交部一體會試欽此

欽定科場條例卷七

起送會試

四

起送文冊限期

一直省舉人會試本籍巡撫給咨送部直隸於
前一年十二月山東河南山西陝西於十一日
江南江西浙江湖廣於十月福建四川廣東廣
西雲南貴州於九月各如期起送並嚴禁吏胥
需索留難如稽延違限卽行查叅司府遲延該
督撫查叅

一直省舉人會試前一年五月內通行各省督撫查明該屬舉人現在並無丁憂罰科及緣事等情者給咨令其赴部會試

一八旗舉人會試前一年十月內通行八旗都統將各旗及包衣佐領下舉人情願會試者造具滿漢清冊註明旗分佐領年貌三代經書科分並無事故字樣由部轉送兵部考試騎射

一各省舉人應試自二月初一日起至三月初一日止將各該督撫咨文隨到隨投以免壅積由部先行出示並行都察院轉飭中東北三城兵馬司各撥弓兵四名隨帶禁示牌二面於二月二十五日後逐日赴部禁遏閑雜人等擁擠喧嚷

現行例案

順治八年題准新舊舉人直隸限十二月起送山東山西河南陝西限十一月起送江南浙江江西湖廣限十月起送福建廣東廣西四川等處限九月起送如司府稽延違限聽禮部查叅

康熙五年題准應試舉人於會試年前詳察造冊限十一月內送部仍逐名給文於會試年前十一月初一日起至會試年正月初十日止赴部投文如過期投文者不准收試地方官不照定限送部并遲誤給文者禮部指名題叅

康熙九年議准會試關係取士大典展限於二月初一日以內投文准其會試

乾隆元年議准遇會試之年該州縣官於舉子具呈到日彙齊卽出具文結申詳該布政使查明勒限給咨不許胥吏任意稽延亦不得借端駁詰倘州縣官不行詳請布政司不卽給咨該督撫查出指名叅處

欽定科場條例卷七

起送會試五

給發舉人盤費

一各省舉人水脚銀兩該布政司轉飭各州縣

按數給發多寡各省不等會試事竣禮部查照收文冊

及龍門點名冊實在入場人數知照戶部並各

省督撫查核其人交俱到者均准核銷若丁憂

患病等事在途呈明地方官申詳該撫咨部並

知照該省在京取同鄉京官印結呈明禮部知

照本省並咨戶部存案免其追繳如係假捏察

出叅處出結官交部議處如地方官勒措不給交部議處

一留京舉人取其同鄉京官印結及吏部各館

等處咨送者水脚銀兩不准領給

一名省舉人實係在籍起咨未及親賚先行到

京取結入場結內聲明起咨而咨文場後到者

亦准給領

一應試不到之舉人著追原領銀兩限半年完

繳逾限承追官議處

現行例案

順治八年定舉人公車由布政使給與盤費雲

南貴州每一各銀三兩仍給驛馬安徽二十兩

江西湖北十七兩福建十五兩湖南十四兩廣

西十二兩浙江河南十兩山西七兩陝西六兩

甘肅五兩江蘇五兩直隸四川四兩山東一兩

廣東瓊州府屬二十兩餘府州縣二十兩俱於

領咨日給發

雍正二年奉

上諭上年天下舉人會試來過一次今年來會試者甚
多恐往還道路及在京守候盤費均難接濟特加恩
賞將入場之雲南廣東廣西貴州四川五省舉人每
名賞銀十兩福建浙江江南江西湖廣陝西六省舉
人每名賞銀七兩直隸山東河南山西四省舉人每
名賞銀五兩禮部務按進場舉人名籍查明給與本
身俾得均霑實惠卽於明日出榜時一同出示曉諭
勿致稽遲遺漏欽此

雍正八年奉

上諭各省會試舉人向例給與盤費銀兩所以體恤士
子助其資斧之需聞得各州縣舉人俱赴布政司衙
門領取道途跋涉守候需時吏胥又多勒索扣剋之
弊士子所得無幾嗣後著從本州縣衙門照數領給
該州縣取各舉人領狀申詳布政司於奏銷冊內報
部查核庶吏胥無侵剋之事而士子亦免跋涉守候
之苦矣若州縣稍有扣剋需索而督撫失於覺察者
經朕訪聞將督撫一併議處欽此

雍正九年覆准會試舉人盤費銀兩前奉

諭旨著從本州縣領給以免其跋涉守候之苦但此項銀兩原係三年一領未便令其久貯州縣庫內致滋侵那之弊應將各屬所徵盤費銀兩按年解交司庫至會試之年分令各州縣於庫貯雜項銀內支給布政使將所解盤費銀兩撥還原項惟是會試盤費係各州縣額編錢糧若以本州縣之額徵卽支給本州縣之舉子其中多寡不等應於會試之年令各屬將應試舉子預行報明布政使該布政使將各屬所徵盤費合計通省人數均勻派定飭行各州縣按數支給庶屬均平至於應給盤費銀兩如有扣剋需索等弊應令該撫卽行查叅

乾隆元年奉

上諭仲春以來農事方興雨雪時降麥秋有望殊屬可喜但羣士入闈衣履未免霑濺在羣士學古入官上焉者可服在大僚其次亦膺民社之宰自當以天下之樂爲樂不以霑濺爲苦而朕心不免軫念著卽發庫帑各賜白金三兩爲修整衣履之用

乾隆五年覆准嗣後會試舉子支領盤費銀兩
如有無事逗留及離家不遠旋卽潛歸者仍照
例行追其中途有患病及丁憂者取具該管地
方官印結詳明報部或已經到京投文而丁憂
患病者亦卽取具同鄉京官印結報部均免追
繳如勒措不給及混行出結者交部嚴加議處
又覆准己未科以前凡領過盤費而人文不到
及文到人不到之舉人令該地方官查明從前
實係中途及到京後丁憂患病未經呈部者准
其據實申報督撫咨部卽有實未到京而本身
物故及委係家貧力不能完者亦准一體據實
報部移咨戶部均准豁免其並無事故力能完
繳者仍照例行追以防冒濫

乾隆二十四年禮部會同吏兵二部議覆福建
布政使德福條奏會試舉人中途取結一摺嗣
後會試舉人凡遇中途患病等事令其呈明所
在地方官驗明確實出具不致扶同徇庇捏飾
印結申報上司轉詳督撫彙冊咨部禮兵二部

據冊咨明戶部併知照該舉人本省督撫查辦
至已到京有丁憂患病等事不能應試者該布
政使請令呈明大宛二縣五城兵馬司具結申
報禮兵二部亦屬立法杜弊之意但查向例會
試舉人到京果遇患病事故令取具同鄉京官
印結報部均免追繳蓋以同鄉京官見聞親切
自可據實出結若係虛捏濫結處分甚嚴今若
責成大宛二縣暨五城兵馬司具結多一輾轉
恐有役人等滋生事端應請於循照舊例之中
酌爲變通凡文武會試舉人到京以後果有前
項事故仍取具同鄉六品以上京官印結徑投
禮兵二部據結查核確實卽行知照本省督撫
併戶部存案於奏銷時核對不到舉人內有案
者免其追繳如該舉人假捏呈報而沿途地方
官及在京出結官員不行查明徇情濫結者察
出該舉人照例叅處外其出結各官照不行查
明給結例罰俸一年至稱不到應試舉人應追
原領銀兩地方官勒限追繳還項逾限不清承

欽定科場條例卷七
九
追官照雜項錢糧例議處等語應如該布政使
所奏嗣後不到應試舉人應追原領銀兩照例
期限半年完繳咨報戶部查核如逾限不清將
承追之員查叅照雜項錢糧未完例議處

欽定科場條例卷七

起送會試 六

遠省會試馳驛

- 一雲南貴州舉人會試一路許給驛馬
- 一新疆舉人會試照雲貴之例馳驛

例案

順治八年定雲南貴州舉人每一名銀三兩仍

給驛馬

兵部則例載雲貴會試舉人給與火牌
每名馬一匹廩糧不支回日准其換給

若已中進士回
籍亦准給火牌

乾隆四十一年奉

上諭新疆會試舉人照雲貴之例賞給驛馬

諭旨見新

疆科
舉門

欽定科場條例卷八

鄉試考官

順天鄉試正副考官

一順天鄉試考官開列由進士出身之協辦大學士尚書以下副都御史以上銜名詩明籍貫俸次科分於八月初四日以前繕本密題恭請

欽命正副考官各一員初六日宣

旨入闈考官銜名禮部於七月中旬咨取到部奉

旨後仍行知順天府如恭遇

皇帝時巡謹按道里遠近酌量先期辦理凡題派各官均做此

凡順天鄉試派出官員均行知順天府

一考官題本內將前三科考官銜名繕寫夾單

一併進

呈鄉會試題派考官俱將前三科考官繕名夾單

一具題考官凡病痊假滿服闋於本年補任及現在出差者不准開列

一具題前行查各衙門開列官員內有陞遷事

故者於本內更正扣除各省鄉試順天鄉試及會試各考官均同

旨

旨禮部預期行知開列各官并知會鴻臚寺至期禮

部堂官朝服向內閣恭領題本至

午門外考官朝服齊集候禮部堂官宣

旨畢謝

恩行三跪九叩禮即行赴宴入闈

一派山山考官遇有事故應否另派奏明請

旨一考官入闈後遇有服制事故該承辦衙門毋庸移會場內俟撤棘之日令其守制鄉會試主考內簾各官同

一考官迴避順天籍員人員同考官與主考同

一領出題本俟各省本彙齊後移送禮科轉呈

內閣

現行例案

順治初年定順天鄉試於八月初六日凡係開
列具題內外簾之文武大小官員俱於是日黎
明各備朝服行李齊集

午門外聽候宣

旨凡點入簾者一體謝

恩卽同入貢院如有一名不到者聽禮部查叅議處

順治二年定順天鄉試主考府臣先期題請禮

部將應差者疏名上請

康熙三十九年覆准直隸正副主考除應開列

官員照常開列外將侍郎學士京堂翰文科道

部屬等官由進士舉人出身者無論已未典試

通行開列

乾隆二十四年本部議准御史朱丕烈條奏順

天鄉試考官停其開列直隸人員一摺議得向

例具題順天鄉試主考及同考官開列銜名凡

係籍隸直隸人員槩不開列惟前科鄉試間有

欽奉

特旨任考試名單點出者今年鄉試臣部現在辦理

開列題本凡各衙門咨送人員有籍隸直隸順

天者俱照舊例扣除但考試名單不在臣部是

以向來俱未將籍貫開明隨本恭

進應如該御史所請臣部行文吏部將本年

御試人員註明籍貫開具清單咨送臣部隨同題本

進

呈恭候

皇上簡用

皇土備員

皇土備員

欽定科場條例卷八

鄉試考官

直省鄉試正副考官

一直省鄉試考官將由進士出身應過

欽試人員分別宗人府主事翰林院講讀學士以下

詹事府左右庶子等官以下內閣侍讀學士以

下及各部院郎中員外主事書評事博士監

丞助教等官未經典試分房者為照常開列官

員六部侍郎內閣學士京堂及應過

欽試之科道與前項翰詹等官內已經典試分房者
 註明某年充某省考官某年充會試同考官為
 通行開列官員均開寫職名籍貫科分俸次並
 註某館纂修分校提調等字樣及某省應迴避
 字樣以次繕本密題
 一 直省考官銜名吏部於三月咨取各衙門應
 行考試人員奏請

欽命題目考試帶領引

見將名單移送禮部查辦

一 具題各省考官禮部於吏部移送考單後並
 行文各衙門咨取各官籍貫科分俸次繕本雲
 南貴州以四月中旬四川廣東廣西湖南福建
 以五月中旬湖北浙江江西以六月中旬陝西
 江南以六月下旬山東山西河南以七月上旬
 先後題請

欽命正副考官各一員即行知各省如五六月遇
 閏仍分別省分奏明展期一月如恭遇

聖駕時巡酌量道里遠近前期發報具題

一具題考官凡病痊假滿服闋於本年補任及

現奉差委者不准開列其臨時有無陞遷事故

仍於每次繕本時預行查明更定扣除

一題本下內閣部派司員領出行知吏部鴻臚

寺知會點出各官次日朝服詣

午門聽本部堂官宣

旨宣畢各官行三跪九叩禮如遲延不到卽行叅奏

一各省考官依限起程雲南貴州四川廣東廣

西福建湖南限十日江南江西浙江湖北陝西

限七日河南山東山西限五日有在京逗留者

禮部查明叅奏議處其應給勘合驛馬行兵部

照例分別給發

一

賞給考官路費銀兩雲南八百兩貴州七百兩四川

廣東廣西福建湖南六百兩江南浙江湖北江

西陝西五百兩河南山西山東四百兩起程前

戶部先給銀二百兩餘俟試竣回京該省督撫

於存公銀兩內支給

一上三科考官夾單及題本送科均與順天考

官同

一各省正副考官內如遇有丁憂事故奏明請

旨命一員前往如試期已近改派不能及者奏明令

一員專辦

現行例案

順治初定題差鄉試考試官日期雲南貴州四

月初一日題四川廣東廣西福建五月十二日

題浙江江西湖廣六月十三日題陝西江南六

月二十三日題河南七月十三日題山東山西

七月二十日題順天八月初四日題

順治二年定制科取士全係司衡今後鄉試主

考除翰林六科照例皆以次差遣臨期倍取正

陪題請

欽點外其餘各衙門咨送務遴才品不得但取資次

亦不得浮獵聲華

又定各省主考該巡按御史先期題請禮部將

應差者先後疏名上請

又定鄉試主考題差係扣定日期稍一延緩不免誤事考官如

命下實在病重許卽日具疏辭免在京丁憂者止用本衙門印信手本到部司卽擬堪補官員坐名題請其出京未遠而有憂制度其道里時日尙可差官更替者取所在官司公文印信火速差人赴部投遞卽與題請更代俱免自奏以致耽延時日如中途聞有憂制等項題補無及者止行所在有司轉申本省撫按官代奏本官卽先

回籍守制其見在一員或正或副卽前赴科場併力辦事已到地方者監臨官具本奏

聞其丁憂官仍須起有原籍印信公文或家眷在京起有本衙門印信公文送至所差地方附郭有司衙門看無違碍方許申報本官不得擅通家報

順治五年題准直省鄉試正副主考官令內院吏部禮部公同考選差往其各省同考官令該巡按提學公同考選派用

順治八年題准順天江南正副主考浙江江西

福建湖廣正主考差翰林官八員浙江江西福

建湖廣副主考山東正主考差給事中五員山

東副主考山西正副主考河南陝西正主考差

光祿寺少卿一員吏禮二部司官各二員河南

陝西副主考四川廣東正副主考廣西雲南正

副主考差戶兵刑工四部司官各二員廣西雲南

副主考貴州正副主考差行人三員中書評事

各一員如光祿寺官或缺戶兵刑工四部司官

充山西副主考中書行人評事充廣東副主考

命不凡應差八員總送十六員應差五員總送十員

禮部會同內院擬定正陪疏請

簡命

順治十一年題准如光祿寺官或缺應於太常

太僕寺少卿內取一員充山西正主考如光祿

太常太僕三寺少卿俱缺照八年例行

順治十四年奉

上諭直省典試考官各衙門堂官慎選學行兼優者送

部

又奉

諭江南典試官著照浙江一體題差

順治十七年題准直省正副考官除會經典試

及會試分房不開外其現在各衙門應差各官

不擬正陪通列職名題請

欽點

命下日轉行兵部各給郵符尅期起行不許淹留京

邸

康熙三年題准鄉試正副主考不必指定某衙

門官差往某省各衙門應差官員職名概行開

列題請

欽點

康熙十一年題准各省鄉試主考內閣進士中

書與各衙門應差官員一體開列題差

康熙二十九年題准試差奉

命限五日內起程如故遲不行許科道題叅交與該

部嚴加議處

又議准翰林院各部院衙門官員凡有病痊等

項及本年補任者俱不准開列

見順天同考門

康熙三十九年九卿會覆准湖廣總督郭琇疏

稱直省正副主考除應開列官員照常開列外

如張鵬翮所議侍郎學士京堂科道等官由進

士舉人出身者無論已未典試通行開列

雍正元年奉

諭湖南士子赴湖北鄉試必經由洞庭湖湖水浩瀚

無涯波濤不測六七月間風浪尤險間有覆溺之患

朕心深為惻然或至士子畏避險遠裹足不前尤非

朕廣育人材之意今欲於湖南地方建立試院每科

另簡考官俾士子就近入場永無阻隔之虞共遂觀

光之願明年二月為鄉試之期爾部可即行文湖南

巡撫若能於二月之前預備場屋則於明春即分湖

南湖北兩闈考試倘為期已迫預備不及則於下科

舉行至於湖廣通省取中原有定額今既分兩闈其

取中之數應如何分別處令湖南湖北巡撫公議著

湖廣總督從公酌定具奏欽此

雍正三年奉

上諭前各省正副主考朕皆視其人謹慎者派往並未試其文藝間有不能衡文者此皆由中式之後荒疎年久故耳著將應差委之翰林由進士出身各部院官員查奏朕試以文藝差委遵

旨將翰林院及進士出身官員人數查明具奏
召集於

太和殿試以四書題文二一篇

欽點王大臣監試彌封訖恭呈

御覽

欽定甲乙封貯內閣以備鄉試差遺

又准吏部咨稱各省正副主考奉

旨著將應差委之翰林由進士出身之各部院官員查奏試以文藝差委應否將翰林由進士出身之部院

郎中員外郎主事中行評博及此內由舉人出

身之人一併考試之處摺奏請

旨奉

旨用由進士出身之人不用由舉人出身之人欽此

雍正四年奉

上諭各省正副主考官朕御極以來開科取士凡屬考官皆擇其人品端方素行謹恪者爲之而諸臣果慎守法度洗滌弊端各省發榜士林皆無異議但聞試官之中偶有學問不及而所取之文未盡滿人意者是以去年朕將在京科目出身官員應開列正副主考者通行考試分別等第記名以備簡用今鄉試屆期將記名人員掣籤發往使典試事夫文行原無二理豈有文藝優通而品行卑劣者況國家以文章取士爾等以文章登科今膺鑑衡之任若文優而行劣使天下之人謂文章一道全不足憑則是爾等讀書通籍反爲名教之罪人國法尙可容乎料爾等必無此事但朕慎重科場大典不得不諄諄告誡爾欽此是年將

御試取定人員書名牙籤盛以金筒每屆按省分差之期設黃案於

午門外令書名人員齊集

命大學士同禮部堂官捧金筒置黃案上掣籤唱名官

上諭畢大學士將所掣名籤恭請

欽定正副主考遵

旨差往

雍正七年奉

上諭考官專司衡文之任必須學問明通者始能鑑別不夾雍正三年會將在京科目出身官員應開正副主考之人通行考試分別等次記名於雍正四年掣籤命往各省使典試事今已越三年此所考取人員

其中陞遷外任及告假回籍者甚多卽有在京者其所學或以日久荒疎而從前之未經入選者今用數年之功其文藝未必不有所進益且陸續新到之員亦復不少著照雍正三年之例通行考試俟朕分別記名以備持衡之任其不願就試者亦聽其意欽此

雍正九年奉

上諭數年以來將在京科甲出身官員通行考試分別等次記名以備衡文之任今已越三年從前考取之人俱已陸續差遣應再行考試候旨簡用著該部遵

照舊例辦理其不願就試者亦聽其意欽此

雍正十三年奉

上諭今年鄉試之期著將在京應差人員遵照舊例考試候旨欽此

乾隆元年奉

上諭今歲八月舉行恩科鄉試其正副考官必用人品端方學問醇正者始足膺衡鑒之寄朕卽位之初不能深知諸臣之底蘊著張廷玉鄂爾泰朱軾徐本邵基任蘭枝徐元夢福敏孫嘉淦楊名時於翰林科道部屬內各據所知多舉數員於五日內交送內閣彙奏候朕考試簡用庶得才品兼優之員以副掄才之大典欽此

乾隆三年奉

上諭今年鄉試屆期昨降旨派大臣等名舉數人以備考試簡用今思翰林科道部屬等官應差主考者人數甚多其未與保舉之列者亦著一體考試不願出差者聽其自便欽此

乾隆三年奉

上諭同例外省主考官聞命之日卽速就道蒙

百考世宗憲皇帝念其辦理行裝未免忙迫伊等旣奉命典試自知奉法惟謹不必過於防範特命稍寬起程之期此體恤臣工之厚意也近聞奉差諸臣起程甚遲有至十餘日外者殊非遠嫌之意著禮部酌定日期著爲定例欽此遵

旨議定雲南貴州四川廣東廣西福建湖南七省以十日爲限浙江江西湖北陝西江南五省以七日爲限河南山東山西三省以五日爲限倘有逾限逗留者禮部查明叅奏

乾隆三年奉

上諭每科主考差往各省彼地督撫有無餽送路費向無定例其數目之多寡亦無成規伊等回京時有奏聞者有不奏聞者亦不畫一自應酌定一例俾永遠遵行庶無輕重不均之事今朕酌量道途之遠近分別路費之多寡雲南八百兩貴州七百兩四川廣東廣西福建湖南六百兩江南浙江湖北江西陝西五百兩河南山西山東四百兩爾等

可寄信各督撫遵照此數不得以私意增減主考等亦不得於此數之外更有所受將此永著爲例
欽此

乾隆六年奉

上諭今年鄉試屆期簡用各省主考官向有考試之例著將翰林科道部屬等官應差主考者照舊例通行考試其有不願出差者亦聽其意將此交與該部查例辦理欽此

乾隆六年奉

上諭各省主考回京時例於該省存公銀兩內賞給路費朕念伊等出京時資斧艱難一時無處稱貸著戶部每員先給銀二百兩知會該省於應給路費內扣除欽此

乾隆九年奉

上諭科場爲抡才大典其正副考官必精於衡鑒者始克勝任今年鄉試屆期著大學士尙書侍郎於翰詹科道部屬等官應差主考人員內擇其人品端方學問醇正堪膺衡鑒之寄者各舉所知交送

內閣彙奏候朕簡用其非科甲出身及無真知灼
見者不必強舉欽此隨經大學士等將保舉各員
彙單進呈奉

旨著大學士傳齊請旨考試欽此

乾隆十二年奉

上諭向來各省鄉試正副考官有通行考試者例亦
有令大臣保舉者各科往往不同而外間議論亦
不一今歲係大比之年所有各省正副考官著將
應行開列人員通行考試其不願考試者聽仍于

應行開列中著大學士九卿等將學問優長精于
衡鑒者各舉所知密封交送內閣進呈候朕取用
如此考試與保舉並行內有保舉而考列優等固
可簡任衡文卽未經保舉而文藝入選者亦一併
簡用則人材不致屈抑而衆心亦當允服矣該部
卽遵諭行其非科甲出身及無真知灼見者不必
強舉欽此

乾隆十二年奉

上諭國家三載貢與係掄才大典每科正副考官皆

令該部就各省分驛程之遠近按期請點從無遲
悞乃各省之中有數省督撫請差者亦有不行奏
請者揆厥所由皆因前明季年朝政闕茸竟有當
大比之年逾期不點試官以致科場展限者其後
地方大吏不得不行預請至今尙有沿習舊文具
本題請之事實屬重複各省又不畫一殊非政體
嗣後惟令該部屆期照例請點其直省自行奏請
之處著停止欽此

乾隆十七年奏准開列具題內外簾官於宣

旨日不到者叅處

詳見順天
門

乾隆二十四年奏准本年係各省鄉試之期遇
有閏六月若照舊例題請

欽點正副考官未免期限太寬今酌議將雲南貴州
四川廣東廣西福建湖南浙江江西湖北陝西
江南十二省典試官各展遲一月挨次題請考
官遵依定限起程庶關防嚴密而與定制仍相
符合至河南山東山西三省例在七月上旬題
請毋庸酌改

又議准遇鄉試年行文吏部將考差人員註明籍貫開單咨送過部隨本具題

乾隆三十三年奉

上諭今年鄉試屆期所有各衙門應開列試差之進士出身人員著吏部傳齊帶領引見欽此

又奉

上諭今年鄉試應行開列試差人員已降旨令該部帶領引見但此次既停其考試則應開人員爲數衆多其中間有年力就衰學殖荒疎者若令概行開送恐不足副衡文之任著各該衙門於合例人員內卽速揀選彙送吏部帶領引見欽此

乾隆三十六年奉

上諭本年鄉試屆期需用考官所有應行開列人員仍著考試並照上年之例不必分別等第止將不取各卷拆名扣除其入選進呈之卷仍按各衙門次序開列名單帶領引見候朕簡用該部卽遵諭預行辦理俟回鑾後於初八日考試欽此

乾隆三十九年奉

旨今年鄉試屆期所有應行開列試差之進士出身
人員著於四月初五日在正大光明殿考試仍著
吏部照例按各衙門次序於初七日帶領引見欽
此
乾隆四十二年奉
旨今年鄉試屆期所有應行開列試差之進士出身
人員著於三月二十五日在正大光明殿考試仍
著吏部照例按各衙門次序於二十七日帶領引
見欽此

乾隆四十四年奉

上諭明歲又屆庚子鄉試正科各省正副考官應行
陸續簡派而雲貴省向例於四月中旬進本其時
朕南巡尙未回鑾不能預行考試而今歲考差後
尙有陸續到京銷假及陞補各員應與考者亦頗
不少未便獨令向隅莫若於今冬再行考試一次
除本年已出各省試差及上年會試曾經分校人
員毋庸考試外著交吏部查明各衙門應行考試
人員開具清單於十月中旬奏請定期考試以備

簡用其不願考者聽欽此

又吏部奏稱據國子監將監丞鄭柟助教汪錫
魁黃昌禔等呈請一併考試查中書評事博士
並國子監科甲出身人員舊例准予一併開列
現在進士出身之中書等官俱例得考試今監
丞鄭柟等既均係進士出身且係七品京官與
中書等品級相同應准其一體考試以免向隅
相應奏明請

旨可合將國子監進士出身之七品各員准其一併
開列考試之處伏候

訓示遵行再國子監官每月以文字課士於校閱之
事尚屬相宜至別項人員自不得援以爲例等
因奉

旨准其考試欽此


恩賞
 旨恭其
 呈科場條例具奏內開臣等伏查題派各省鄉試
 主考開列人員向有照常開列及通行開列兩
 單外又有考過試差官單臣等細核所開人員
 分款雖多其實止有京堂及考差兩項請嗣後
 題派各省主考除本年考過試差官單外其餘
 止將例不考差之侍郎以下京堂另列一單如
 有會經典試及會試分房者各單銜下分註似
 覺較為簡明

乾隆五十五年十二月本部進

呈科場條例具奏內開臣等伏查題派各省鄉試
 主考開列人員向有照常開列及通行開列兩
 單外又有考過試差官單臣等細核所開人員
 分款雖多其實止有京堂及考差兩項請嗣後
 題派各省主考除本年考過試差官單外其餘
 止將例不考差之侍郎以下京堂另列一單如
 有會經典試及會試分房者各單銜下分註似
 覺較為簡明

金史卷之七十四

官會與諸人會始分其後各單論不令其
 止既而不得安文并復以不京能長既一單此
 聖武帝謀王浩列本手法既始裝官單於其前
 不其雖多其實止有京堂及後送兩既前編終
 京後天亦後既始裝官單其後既始開人日
 既人員向有既前開既及既子開既而
 既且其內開既其後既後既其後既其後既



本館在十正年十二月本館藏

文正丁卯

